

天一閣藏明代方志選刊

黃州府志

一九六五年六月上海古籍
書店據寧波天一閣藏明弘
治刻本景印原書版框高二
二·〇公分寬一四·五公分

黃州府志重修序

地之有志於往古來茲咸



宜之云者以謂事在必有而理不
可缺焉者也以謂有之則足以稽
前示後傳播罔極否則茫焉一
無藉手語小則一邑語大則一郡
類若委而棄之將謂無之然是則

盡天下郡邑莫不有志則天下無
遺地哉黃州在湖藩之北春秋時
為黃國地後屬楚為邾城秦漢以
還屬稱屢易迄隋若唐一再易乃
為黃州曰黃州府則我

朝所更定也凡為州一為縣七巴蜀
淮楚前帶後襟湖南諸郡莫加焉

其間山川之崇廣巖壁之峭異地
產之蕃殖興夫俗尚之隆污徭稅
之增損人物之生息長察佐史之
交承廨宇亭榭梁道之廢置前此
亦嘗有志焉者然詳略失宜玄取
弗當觀者病焉天台廬君希哲
起家成化丁未進士歷官刑部郎

有聲年三十餘擢守是郡以謂者
讀王元之蘇東坡文時已知有黃
州乃今吏茲土得尋訪蘇王二公
故跡而官品顧出其上而力有足
為而於此不能一有暴白責烏可
道爰於政務之餘繙閱舊本而考
訂也芟繁補略昭晰隱晦凡所當

改絃易轍焉者一時決之於心彙
分戶列立爲凡例以畀教授舒君
旌教諭張君縉俾編輯而貳守韋
君原載則專托以正校之任既成
因府推羅君鵬舉考績之來檄書
幣徵予爲序孟子言諸侯之寶三
土地人民政事夫分土畫疆實之

生聚古之所謂國則今之所謂郡也凡爲之長而善於政則不惟久安於當時且足貽範於來世其在
今則郡之守非古之諸侯乎是於
幅員之控制民生之撫育亦惟安
之計而範之貽乃所謂政之善者
則貽範非志何居而以為地之善

志可哉盧君之為是郡未三年其
餘力乃克臻茲則於百凡所急殆
無一不如意者而於是編又純增
飾繕脩益之損之惟中之適使前
此畫之形勝風景一展卷間昭然
在於目睫匪直王蘇諸公勃然以
有生氣雖後來諸賢亦與出色則

是編所繫不尤重哉政貴知所重
君於此雖若差緩然未嘗視為泛
常而輕於所事使郡之志皆若黃
凡為守者時若盧君其人則天下
之大必有弗志之地與弗治之郡
者我書以復盧君以為黃州志序

弘治庚申冬十月望日

黃州府志凡例

一纂編事蹟悉本之一統志而叅以舊志其或有已載而未盡者載後而當續者亦各斟酌隨類增入

一志書目錄凡可以類從者則立綱以總之而詳列其目事有該括未盡者附於各目之下蓋亦刪繁就簡免分裂失序之弊故於綱之下特總序之以見類從之意焉

一文武官職自前代興

國朝來宦者更代不一歷官年月姓名多不可考故不敢妄自編次但一統志及舊志於人之沒後取其尤者而列于名宦類今仍其舊而錄之其有當增者亦據實增入

一鄉邦人物昔人已定論今所當續者必其人既沒世叅酌公議據其實而錄之

一科貢薦辟之類凡有可考者以次列之其不可考者闕焉

一孝子節婦有已

聞而被

旨旌表者有已

聞

命未下而死者有未及

聞而死者其孝行節操均可為世俗勸也今故並錄
以傳焉

一古今碑文蓋取其有關世用事可備考據者載
之

一古今題咏有關於風俗山川人物有紀咏事蹟

摹寫景象者實爲一郡風雅故備錄之以竢覽
觀有事於茲舉者不敢與焉
一坊牌名號雖非要務然以繫

本朝恩典故雖廢者亦存其名且有冀于后也

黃州府志目錄

一卷

地理

建置沿革

寓郡邑名

分野

附祥異

形勝

附古跡

景致

疆域

附里至

風俗

城池

附坊社鄉鎮

藩封

二卷

山川

附岡峯嶺坂洞岩江
洲潭灘水沼井泉河港溪湖池

土產

關梁

陵墓

三卷

官制

職役

戶口

貢賦

惠政